



Universitätsbibliothek Paderborn

**Vita S. Erphonis, Mimigardefordensis Avt
Mimmigernefordensis Nvnc Monasteriensis Episcopi, In
Ordine & Nvmero Septimi Decimi**

Boichorst, Albert

Monasteri[i] Westphaliae, 1649

Capvt VI. De laudabiliter administrato in multis à S. Erphone, munere &
Officio Episcopali.

urn:nbn:de:hbz:466:1-13197

Cum autem iuxta testimonium Vrffergensis ad Annum 1121. Burchardus supra nominatus, quem appellat Rufum, illo Anno nimirum 1121. dudum in Legatione Constantinopolitana diem clauserit extremum, impossibile omnino est, quod Theodorico post Annum 1125. defuncto, Burchardus Rufus succedere potuerit; sed successit illi Burchardus ab Holte, ab altero longè alius, qui Ecclesiam Monasteriensem altis mœnibus cinxit, S. Michaëlis & S. Gregorij Sacella extruxit, ac Dülmaniensem Ciuitatem edificauit & munivit; Sed nec ille diu Sedi sue prefuit: nam Successor eius Egbertus, Anno 1129. Fricconhorstensem, & Anno 1130. Nottelensem Ecclesiam consecrauit.

Ex quibus omnibus manifestum euadit, Burchardum illum intrusum, ab Vrffergensi Rufum cognominatum, in Catalogo Episcoporum Monasteriensium non connumerari, imo in illa commodè connumerari non posse; eo quod adhuc schismaticus existens, & Imperatori adherens schismatis, inter Episcopos neutquam connumerandus sit, & quamvis post remissum Ecclesia ab Imperatore Henrico Annulum & Baculum, adeoq; eius cum Pontifice & Sede Romana reconciliationem, de Sede suâ ipsum securum factum esse, supra-memoratum Latinum habeat manuscriptum, ac illud insuper ex Spondano, si eo tempore adhuc vixerit, credibile fiat, qui ad Annum Christi 1122. refert, quod flexo tandem diuinitis corde Imperatoris, ad reddendam Apostolice Sedi obedientiam, omnibusq; ultra plurimorum spem, prosperè compositis, plenissimaq; tandem, ingenti omnium gaudio, restitutâ Ecclesie Pace, tam ipse Imperator quam omnes quicunque ab eo stetissent, nomine Callisti Papæ, per Legatos eiusdem, ab excommunicatione absolti, & in communionem Ecclesie restituti fuerint: attamen cum afferat Vrffergensis, ipsum Anno 1121. iam dudum obiisse, & reconciliatio ac absolutio Henrici, omniumq; ipsi adherentium, Anno 1122. aut 1123. vii habet Diploma Cappenbergense, contigerit, idè aut Burchardum tum non vixisse, aut quamprimum Constantinopolim, fortè quod ita secretè inter Pontificem & Imperatorem conuentum fuerit, allegatum esse, adeoq; munus Episcopi nunquam legitimè administrasse existimo: unde etiam in Catalogum Episcoporum Monasteriensium jure merito non referatur.

Interea & illud hic notā dignum esse judico, quod tertius Ecclesiae & Collegij S. Marij benefactor non fuerit Burchardus, ille intrusus, cognomento Rufus: sed qui Theodorico defuncto legitimus successit Episcopus, nimirum Burchardus ab Holte.

C A P V T S E X T V M .

De laudabiliter administrato in multis à S. ERPHONE, munere & Officio Episcopali.

Postquam igitur S.ERPHO Episcopi munus, etiam Angelicis humeris formidan-

midandum, assumpsit, fideliter & alacriter, quod per Dei gratiam & misericordiam in se susceperebat, exequi non neglexit.

In primis enim quam pium & laudabile in initio assumpti munera Episcopalis sibi propositum fecerit, è primo suo Diplomate, infra ad longum recitando, posteritati manifestum esse voluit; in illo enim publicè profitetur, se fidelium, in quantum possibile, petitionibus ad sensum præbendo, oppressis subuenire, afflatis parcere, confractos soluere, animum induxisse, cum solum placeant, ut inquit, Omnipotenti, qui misericordiae sunt dediti, nec inuident alienæ felicitati.

Deinde quanto zelo ac pietatis, utilitatisque affectu, Ecclesiis ibidemque ministrantibus intenderit, initium supra memorati Diplomatici secundi planè demonstrat, cuius hæc sunt formalia.

*Si quid Sanctæ Dei Ecclesiæ ministrantibus utilitatis, pio affectu
impendere curamus, retribui nobis apud Dei misericordiam spe-
ramus, maximè cum iuxta præceptum Apostoli, operamur bo-
num apud domesticos fidei.*

Quantâ etiam curâ & sollicitudine in afflictione positis subuenerit, & quam sollicitè de solatio & sustentaculo Domino deseruentibus prouiderit, ex sc̄epdi-
cto quoque Diplomate secundo, meridiano iubere clarius elucescit, ibi, quia si in
afflictione positis non subueneremus, nam diuinæ ultionis procul dubio incurseremus, & ibi,
nec erat eis aliquod solatum, unde possent, cum Domino seruirent, habere sustentaculum,
vbi etiam verbis imminutis sequentibus contestatur, se diuini timoris pariter,
ac amoris non fuisse immemorem.

Quam denique totus, tanquam bonus & fidelis Pastor, in eo fuerit, vt pœnitentes in Ecclesiam inducerentur, & reconciliationem & indulgentiam peccatorum suorum promererentur, sicque ad ouile Christi, ipsi quo ad patrem sollicitudinis suæ concredimus, reducerentur, eiusdem Diplomatici secundi subscriptio,
quamvis paulò post & minutiori, eodem tamen charactere facta, manifestè con-
testatur, ibi:

*Tertiâ vice 3. Id. Februarij, cum in Maiori Ecclesia Monasterensi Al-
tare in honorem S. Ioannis Baptiste consecrarem, quo etiam die
pœnitentes in Ecclesiam induxi, & indulgentiam totis votis, to-
tisq; animis facere insti, vtpote in sequenti die Hierosolymam
iturus, eundem bannum repetui.*

Anno 1071. vii habet vetustum quoddam manuscriptum, Ecclesia Trans-
quensis, & totum Cœnobium præter molem lapideam igne periit, sed omnia in-
tra annos quatuordecim meliori cultu, ita reparantur, vt Anno 1085. 3. Idus
Januarij, Henrico Quarto Imperij gubernacula tenente, Monasterij Pars Occi-
dentalis sit ab integro per S. ERPHONEM Præsulem consecrata; eodem quo-

que Anno 8. Calendas Aprilis Altare in Sacello Ierusalem incendio profanatum, ab eodem Episcopo & Prae sole consecratum est; Templum autem nouum & Altaria Anno 1086. 4. Calend. Ian. iterum consecrantur: Sacellum meridionale Anno 1087. 9. Calendas Ian. Aquilonare Anno 1088. ipsis Calendis Febr. Chorus Virginum eodem, Anno 17. Calendas Septembres ab eodem S. ERPHONE Antistite. 2.

Quibus addenda est suprà memorata consecratio Altaris S. Ioannis Baptistæ in Maiori Ecclesiâ pridie arrepti itineris Hierosolymitani, deuotè & sanctè ab eodem S. peracta.

N O T A E AD CAPUT SEXTVM.

1. Concil. Trident. Sess. 6. cap. 1. quod dictum vel desumptum esse videtur ex epistola S. Bernardi 236. vbi dicit esse onus Gigantinis, ut aiunt, vel ipsis quoque Angelicis humeris formidabile, vel è S. Ioanne Chrysostomo, qui lib. 6. de Sac. cap. 2. munus idem appellat, quod robore & virrute Angelicâ opus habeat.

2. Hic quoad Annos erratum esse, suprà in Notis ad Caput quartum admonui, quo breuitatis gratia lectorem remitto, cupioq; notas istas huic repetitas.

C A P U T S E P T I M U M.

De magnâ & profundâ humilitate S. ER- PHONIS.

Sed nec illud silentio ullatenus prætereundum est, quod S. noster ad exemplum Christi dicentis, discite a me, quia mitis sum & humilis corde, Matth. 11. Sanctæ humilitatis, quæ Augustino teste omnium Christianarum virtutum verè fundamentum existit, & Episcopos vel maximè decet, iuxta constitutionem Imperatorum Leonis & Anthemij in l. si quenquam 31. C. de Episcopo & Cleric. admirabilis fuerit, si quis alias amator pariter, & imitator; Quamuis enim in Diplomate priori, ac Anno 1086. 3. Calend. Ian. se satis modestè Serenitatem suam, & Uominum nominari passus sit: attamen ne vel verbulo Serenissimæ suæ familiæ mentionem fieri voluit, quin imò post aliquot annos iam sanctior & humilioſ factus, magisque honorum & gloriæ huius seculi pertæsus, in toties repetito secundo Diplomate, humiliter & simpliciter (planè præter morem huius seculi) sic exorditur.

*In nomine Sanctissimæ & individuæ Trinitatis, ERPHO diuinâ misere-
rante clementiâ, Mimigardefordensis, eti solo nomine Episcopus.*

Secun-